



Rudarska 65. 75000 Tuzla, BiH, Tel.: (+ 387) 35 369 401, Fax: 369 405, e-mail: minbp@tk.kim.ba, web site: www.vladatk.gov.ba

Broj: 15/1-04-018626/20  
Tuzla, 14.09.2020. godine

Na osnovu člana 25.,70. i 72. stav (4) Zakona o javnim nabavkama („Službeni glasnik Bosne i Hercegovine“, broj 39/14) i člana 200. Zakona o upravnom postupku („Službene novine Federacije Bosne i Hercegovine“, broj: 2/98 i 48/99), Ministar za boračka pitanja Tuzlanskog kantona, donosi:

### **ODLUKU**

#### **o poništenju postupka za izbor najpovoljnijeg ponuđača za izradu i postavljanje jedinstvenih spomen obilježja**

#### **I**

Poništava se postupak za izbor najpovoljnijeg ponuđača za izradu i postavljanje jedinstvenih spomen obilježja poginulim pripadnicima Oružanih snaga Bosne i Hercegovine u toku rata 1992-1995. godine i poginulim/ umrlim nosiocima ratnog priznanja „Zlatni ljiljan“, Odluka o izboru najpovoljnijeg ponuđača Ministarstva za boračka pitanja, broj: 15/1-04-018626-1/20 od 27.07.2020. godine i Okvirni sporazum o regulisanju međusobnih odnosa radi obezbjeđivanja izrade i postavljanja jedinstvenih spomen obilježja na teret sredstava Budžeta Tuzlanskog kantona, broj: 15/1-04-018626/20 od 19.08.2020. godine.

#### **II**

Ova Odluka objavit će se na web stranici Ministarstva za boračka pitanja Tuzlanskog kantona, istovremeno sa upućivanjem ponuđačima koji su učestvovali u ovom postupku javne nabavke, u skladu sa članom 70. stav (6) Zakona o javnim nabavkama Bosne i Hercegovine.

#### **III**

Odluka stupa na snagu danom donošenja.

### **Obrazloženje**

U skladu sa odredbama Zakona o javnim nabavkama, Ministarstvo za boračka pitanja Tuzlanskog kantona (u daljem tekstu: Ministarstvo) provelo je i okončalo postupak predmeta javne nabavke za izradu i postavljanje jedinstvenih spomen obilježja poginulim pripadnicima Oružanih snaga Bosne i Hercegovine u toku rata 1992-1995. godine i poginulim/ umrlim nosiocima ratnog priznanja „Zlatni ljiljan“ na teret sredstava Budžeta Tuzlanskog kantona, pokrenut objavljivanjem Obavještenja o nabavci, broj: 1015-1-3-5-3-17/20 na Portalu javnih nabavki, dana 26.06.2020. godine.

Nakon okončane procedure Ministarstvo je donijelo Odluku, broj: 15/1-04-018626-1/20 od 27.07.2020. godine, kojom je „RVI -13 mart“ d.o.o. za zapošljavanje, obrazovanje i osposobljavanje invalidnih lica, izabran kao najpovoljniji ponuđač.

U roku propisanom odredbama Zakona o javnim nabavkama, sačinjen je Okvirni sporazum o regulisanju međusobnih odnosa radi obezbjeđivanja izrade i postavljanja

jedinstvenih spomen obilježja na teret sredstava Budžeta Tuzlanskog kantona, broj: 15/1-04-018626/20 od 19.08.2020. godine.

Potpisanim sporazumom, RVI -13 mart“ d.o.o. za zapošljavanje, obrazovanje i osposobljavanje invalidnih lica, kao ponuđač, preuzeo je i određene obaveze regulisane istim.

Jedna od preuzetih obaveza iz člana 8. Okvirnog sporazuma o regulisanju međusobnih odnosa radi obezbjeđivanja izrade i postavljanja jedinstvenih spomen obilježja na teret sredstava Budžeta Tuzlanskog kantona, odnosila se i na obavezu ponuđača da „u roku od sedam dana od datuma potpisivanja okvirnog sporazuma, preda Naručiocu radova garanciju za dobro izvršenje okvirnog sporazuma, u protivnom sporazum ne proizvodi pravno dejstvo“;

U propisanom roku „RVI -13 mart“ d.o.o. za zapošljavanje, obrazovanje i osposobljavanje invalidnih lica, kao ponuđač nije ispoštovao obavezu iz člana 8. Okvirnog sporazuma o regulisanju međusobnih odnosa radi obezbjeđivanja izrade i postavljanja jedinstvenih spomen obilježja na teret sredstava Budžeta Tuzlanskog kantona, odnosno nije obezbjedio bankovnu garanciju u iznosu 10 % od vrijednosti okvirnog sporazuma na ime garancije za dobro izvršene radove u propisanom roku te shodno tome, zaključeni sporazum ne proizvodi pravno dejstvo.

Na osnovu svega izloženog odlučeno je kao u tački I ove Odluke.

POUKA O PRAVNOM LIJEKU: Protiv ove Odluke svaki ponuđač može se izjaviti žalba u roku od 5 dana od dana prijema iste u skladu sa članom 101 stav (5) ZJN. Žalba se podnosi Ministarstvu za boračka pitanja Tuzlanskog kantona, Rudarska 65, Tuzla, shodno odredbama člana 99. ZJN.

Dostavljeno:

1x „RVI -13 mart“ d.o.o. za zapošljavanje,  
obrazovanje i osposobljavanje invalidnih lica,  
1x a/a.



MINISTAR

Amir Kulagić